



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u pregovaračkom postupku bez objave obavještenja za restauraciju velike scene Bosanskog narodnog pozorišta Zenica, Gradonačelnik donosi:

ODLUKU

o poništenju postupka javne nabavke za restauraciju velike scene Bosanskog narodnog pozorišta Zenica

Član 1.

Poništava se pregovarački postupak bez objave obavještenja za restauraciju velike scene Bosanskog narodnog pozorišta Zenica, iz razloga što je jedini zahtjev za učešće odbačen, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-12417/25 od 02.06.2025. godine. Informacije o pregovaračkom postupku bez objave obavještenja o nabavci, broj: 1355-4-3-80-20-1/25 objavljeno je na Portalu javnih nabavki dana 25.06.2025. godine.

Procijenjena vrijednost za predmetnu nabavku iznosila je 267.500,00 KM bez PDV-a.

U ostavljenom roku za prijem zahtjeva za učešće, ugovorni organ je zaprimio jedan zahtjev za učešće ponuđača "MAXIMUM PARKET" d.o.o. Pale, koji je zaprimljen 28.07.2025. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Tenderskom dokumentacijom, tačkom 5.2. traženo je od ponuđača da u svrhu dokazivanja profesionalne sposobnosti, kandidati trebaju uz zahtjev za učešće dostaviti: u skladu sa članom 46. Zakona, ponuđači trebaju u ponudi dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke.

- za ponuđače iz BiH koji su privredna društva / pravna lica: aktuelni izvod iz sudskog registra, original ili ovjerena kopija. Aktuelni izvod iz sudskog registra mora sadržavati sve podatke za koje je, prema važećim propisima o registraciji, propisano da ih takav dokument sadrži
- za ponuđače iz BiH koji su fizička lica / obrtnici - preduzetnici: odgovarajući dokument o registraciji izdat od nadležnog organa, prema važećim propisima o obrtnicima / preduzetnicima, original ili ovjerena kopija. Dokument o registraciji mora biti dostavljen u osnovnom tekstu, sa svim eventualnim izmjenama i dopunama.
- za ponuđače čije je sjedište izvan BiH: odgovarajući dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača / zemlje u kojoj je registriran ponuđač, original ili ovjerena kopija.

Dokazi koji se dostavljaju moraju biti **originali ili ovjerene kopije.**

Ponuđač je u svojoj ponudi dostavio Rješenje o registraciji, broj: 061-0-RegZ-18-000 019 od 15.01.2018. godine, kao običnu kopiju dok je tačkom 5.2. tenderske dokumentacije navedeno da su ponuđači dužni dostaviti original ili ovjerenu kopiju.

Također, Izjave iz člana 45., 51. i člana 52. Zakona o javnim nabavkama dostavljene su i potpisane od strane lica Vukomir Šarović, koje nije dostavilo punomoć niti je navedeno u Rješenju o registraciji kao ovlašteno lice ispred ponuđača.

Članom 58. stav 1. tačka g) Zakona o javnim nabavkama i članom 9. stav 2. tačka i) Uputstva za pripremu modela tenderske dokumentacije i ponuda, propisano je da ponuda obavezno mora da sadrži i potpis podnosioca ponude ili ovlašćenog lica na osnovu punomoći koja u tom slučaju mora biti priložena u originalu ili ovjerenoj kopiji.

Zbog svega navedenog, zahtjev za učešće ponuđača "MAXIMUM PARKET" d.o.o. Pale ne ispunjava uslove iz tačke 5.2. tenderske dokumentacije i Zakona o javnim nabavkama, zbog čega se ponuda ponuđača odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-12417-2/25

Datum: 28.07.2025. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:

Fuad Kasumović

